

趙城縣廣勝寺



佛說如來智印經

僧祐去闕譯人今附宋錄

五

如是我聞一時佛在王舍城迦蘭陀竹園與大比丘眾千二百五十人俱菩薩三萬億皆得陀羅尼住空無相無願三昧無著法門得陀羅尼門知一切眾主諸根具足及不具足又知眾主一切所行

爾時世尊即入佛境界三昧無色無執無示無形無施設無根本無變無得無我無主無作無不作無來無去無住無攀緣無為非為非相應非不相應無心非心行非實非不實非非近非離諸法入是三昧時不見如來身及身相不見心及心相不見衣不見坐不見所坐不見行如是三昧生諸功德是佛境界即於此定放大光明遍照三千大千世界於此世界日月星辰妙寶神珠火光電曜天宮釋宮乃至梵宮光悉不現如來三昧力故三千世界聞眾妙香無有餘天聞先香者一切世界中間幽冥之處

佛光普照莫不大明

佛光普照莫不大明斫迦羅山摩訶斫迦羅山須彌山王及諸名山其中眾主不見本相爾時三千大千世界七寶羅網弥覆其上現希有相一切世界生奇妙華迦蘭竹園及耆闍崛山通為一會坦然平正生千葉華大如車輪華上皆有七寶羅網莊飾嚴麗垂布如雲摩竭提界皆悉柔軟如迦陵伽衣爾時東方恒沙世界諸佛告万阿僧祇菩薩皆一生補處汝往娑婆世界其國有佛名釋迦牟尼如來應供正遍知當說入一切佛境三昧名如來智印佛今入此定也若有菩薩聞此三昧勝百千劫行六波羅蜜汝應往聽彼諸菩薩各以神力如屈伸臂頃至娑婆世界迦蘭陀竹園前詣佛所頂禮佛足遠佛七匝坐蓮華座南西北方四維上下亦復如是時此三千大千世界聲聞緣覺及發大心者皆悉來集俱詣竹園共至佛所於此世界復有八十億菩薩於一念頃一時來集於四部眾次第而坐復有三十萬聲聞承佛禪定皆悉在會

此三千大千世界釋提桓因護世四王乃至大自在天淨居天等一切龍王一切夜叉王一切乾闥婆王一切迦樓羅王一切修和那王各與眷屬無數圍遶而來集會頂禮佛足隨次就坐時此三千大千世界大威德衆皆悉雲集上至梵世無空缺處尔時舍利弗大目犍連摩訶迦葉摩訶俱絺羅摩訶迦旃延須菩提須菩提文陀尼子問文殊師利如來今在何處以何色像見如來乎如來繫念其相云何文殊答言汝諸聲聞大智成就三昧自在各以定力觀察佛身及繫念處為在何所諸大聲聞入三昧觀不見佛身及繫念處時諸聲聞於此三千大千世界觀察推求不見佛身不見身相如是文殊師利不見如來及繫念處我今云何得見佛身文殊答曰且待須臾自當見佛尔時世尊從三昧起三千世界即大震動佛身殊特威光顯曜尔時舍利弗白佛言世尊如來所入三昧以何為相諸大聲聞慧眼觀察悉不能見此三昧者以

何境界尔時佛告舍利弗此三昧者無緣無處是佛境界非一切聲聞緣覺所知如是舍利弗如來境界不可思議是佛神力舍利弗佛身真實非身非作非起非滅亦非長養非化非信寂滅無為無跡無行無此無彼本性清淨無有一法非受非願非生非報非見非聞非覺非施設非嗅非嘗非觸非惱非籌量非對非心非憶非思非非思非入非來非去去來道斷非影非瑕非斷非物非實非作非造非成就非取非覆非現非依非闇非明寂靜非寂靜常住靜定淨非淨本性清淨無有一法非生非起非愛寂住非處非動非患非語非法非非法非福田非不福田非盡非非盡捨諸著名為空非違諍無音聲離名字捨憶想非相應非不相應非滅非不滅非量非不量非往非返非二非不二非此岸非彼岸非中流非分非非分非業非報非聽非思非量非障非相非非相非門非離非著樂行諸法法法同相如真實為度衆生實無所度

解未解者調未調者救未救者亦無二法非等非非等非相似非不相似無等甘露等與空等無處等無得等寂滅盡滅善調伏行處轉不退輪決定無疑非雜異非二法所習清淨本行威儀解脫具足非長非短非方非圓非身相非陰相非入相非界相非有為起非無為起非無為真實非命非非命非生非現無有見者非實生非言說非忍身相不動非倒非搯非實非憶非和合非作非不作非明非相非涅槃不入涅槃非定非非定佛告舍利弗是名如來身相一切衆生皆依於相有能知此三昧者不唯然世尊一切相中不得佛身尔時世尊欲增廣如來智印三昧而說偈言
如身非身身解脫 無作無壞亦無得
法非相應不相應 是為顯示善逝身
非合不合無染著 非執非捨非等長
非造非處非非處 此身非顯無所欲
非執非作無所有 非色非心非二一
無分非分無起滅 真實無我現佛身
非強非弱亦非斷 非默非願非盡供

般若智印經 第六卷 五字号

非得非定非依止 實身無染如是現
 非見非聞非嗅觸 非依施設現影像
 若有見者心歡喜 如是成就演說法
 非陰非界非虛實 諸根非生非垢淨
 非固不固水月現 欲觀善逝身如是
 從因緣生非真實 非起非滅非動去
 非現現三如幻師 如是觀佛無所依
 非寂不寂非相應 非繫非欲非合散
 猶如空拳實虛空 如是觀佛真供養
 十方世界千億土 積聚珍寶至梵世
 無量劫施一切佛 若有書寫福勝彼
 若有過於恒沙劫 修習四等遍世間
 及持淨戒無能比 信解此經福取勝
 無始生死至今身 普於衆生行忍辱
 若有暫信智印經 彼如須弥芥子分
 三界衆生若干種 於無量劫頂戴行
 身不疲懈無悔恨 能忍此經福無比
 百世界沙衆生數 於無量劫修禪定
 一日一夜持此經 功德勝彼不可數
 智捨二邊行中道 過於無量塵數劫
 若於此經如說解 彼如大海一滴分
 不應以色色相觀 勿如愚人思察佛
 見我實者須菩提 三界福田取清淨

般若智印經 第七卷 五字号

尔時世尊說是偈已告舍利弗是為
 如來智印三昧志能滿足十方一切
 世界菩薩無閼智慧舍利弗若欲速
 見十方諸佛及諸菩薩晝夜精勤修
 此三昧志皆得見舍利弗此三昧是
 菩薩無量門遍行諸行陀羅尼能持
 法界令不斷絕此陀羅尼執諸法門
 若成就此相名為菩薩能成三十二
 相八十種好具相應行業行清淨出
 魔境界不動不出等行佛行身口意
 業皆志清淨欲解如來密法應當修
 學如是三昧欲次第說法亦學此三
 昧欲遍知諸法欲知真諦欲解万億
 生死作證欲解十二因緣欲解一切
 衆生意趣所行欲取淨妙佛國當學
 此三昧欲得妙光欲成就眷屬欲為
 衆生作依欲成就相好欲成就樂說
 辯欲知諸法應學是三昧何以故會
 利弗猶如意珠隨衆所欲皆得滿願
 如是舍利弗此三昧者是諸菩薩一
 切妙事志能滿足一切願行尔時世
 尊而說偈言
 取勝智慧上智光 智光智富智富藏

般若智印經 第八卷 五字号

智慧所作入智門 無量智印此經
 慧根智作智慧地 智起智光滅衆闇
 慧不可盡慧開示 衆經日月照三界
 平等等富等三昧 真實法相斷諸結
 一切三昧智印門 此是佛種四妙辯
 滅垢無盡渡彼岸 德藏福起福普應
 是我所得快樂本 此三昧是善逝寶
 如王愛國善執衆 威勝妙寶隨應至
 洗除貪欲及志癡 實海今說此經典
 善寂能滅作憶念 善除諸穢淨我見
 如健執劍壞無壞 佛報得此持持印
 智能覆護諸衆生 智慧所作智滿富
 智光普照無邊際 此經當得智慧門
 自調調彼二相斷 滅六十二見愛等
 得入如來甘露門 當成相好三十二
 道及勝道次第道 助菩提法非助法
 善能覺悟慳怠者 慧相無量不可盡
 與法相應次第解 無量慧光陀羅尼
 檀波羅蜜得成就 尸羅羸提亦如是
 毗梨禪那智無盡 住此智慧成諸度
 勿畏業報及煩惱 亦勿畏魔衆惡趣
 修集此經無障閉 隨其所念得成道
 住賢劫中諸佛子 十方來會為我證

不壞法器皆集此 悉應奉持此經法
此經能生過去佛 亦是未來諸佛母
又能生於現在佛 勤修此經佛兄弟
業淨無垢行不退 超出淤泥昇不動
應此經者住真實 則得如來妙法藏
尔時世尊廣說是法三十恒沙菩薩
得此三昧六十八億那由他菩薩已
於百千劫淨修諸行於無上道得不
退轉音聲無盡慧光陀羅尼復有六
十萬天及人未發無上菩提心者今
皆發意聞此三昧皆生隨喜生隨喜
時即得阿毗跋致佛為授記於未來
世過三万劫當得成佛号曰無畏復
有久修行者得無生忍各於異國成
無上道盡同一号尔時世尊四眾圍
繞告文殊師利汝等住不住法不戲
論不作行一切法無所依應當守護
此無上道廣為人說尔時文殊童子
從座而起整衣服胡跪合掌白佛言
世尊我觀一切法不可得我當護此
無上菩提如世尊無上道無在無不
在無處所不現不可執無得無失尔
時會中三十億菩薩從座而起偏袒

右肩合掌白佛言世尊我等亦欲守
護如來無量阿僧祇那由他劫之所
修習難得阿耨多羅三藐三菩提法
各各脫身所著上衣奉獻如來發無
上願尔時世尊告弥勒菩薩汝當善
聽弥勒當知此是汝事於未來世後
五十歲當護此經弥勒白佛唯然世
尊我當守護佛告弥勒三十億菩薩
中當有八千菩薩護持正法其餘菩
薩未能自調不護正法於後末世於
如來阿僧祇劫之所修集難得阿耨
多羅三藐三菩提正法之中當起諍
訟輕毀不說不能聽受不能護持弥
勒有七法發菩提心何等為七一者
如佛菩薩發菩提心二者正法將滅
為護持故發菩提心三者見諸眾生
眾苦所逼起大悲念發菩提心四者
菩薩教餘眾生發菩提心五者布施
時自發菩提心六者見他發意隨學
發心七者見如來三十二相八十種
好具足莊嚴若聞發心弥勒如是七
因緣發菩提心如佛菩薩發菩提心
正法將滅為護持故發菩提心見諸

眾生眾苦所逼起大悲念發菩提心
發此三心能為諸佛菩薩護持正法
又能疾得不退轉地成就佛道後四
發心剛強難伏不能護法復次弥勒
菩薩成就五法應當知是阿毗跋致
何等為五一者於諸眾生起平等心
二者見他得利不生嫉妬三者見護
法者寧失身命不說其過四者能捨
一切利養五者信甚深法不信世間
經書文頌弥勒菩薩成此五法名不
退轉復次弥勒菩薩復有五法其心
剛強能壞正法何等為五一者起不
善色二者信用鄙行三者貪著利養
四者護惜檀越五者心懷諂曲行不真
實口雖說空而行不稱是名為五毀
滅正法復次弥勒菩薩復有五法成
就阿毗跋致何等為五一者不得我
二者不得眾生三者了達法界無得
無說四者不得菩提五者不以色身
觀於如來弥勒菩薩成就如是五法
名為阿毗跋致尔時世尊而說偈曰
為智興嫉妬如鳥中壞木非言說信鄙
能護佛菩提曠野修精進深忍常謙默

如來智印經 第十二張 五字

如犀離眷屬善護道不失遠眾樂空閑
 如驚鹿思靜無著如空風是行能持法
 不惜身及命於親不染愛勤修空無我
 是能成菩提後世有眾生說我行菩提
 心輕躁諂曲不能護正法念然燈佛前
 過八十億劫有佛名月驥演說此三昧
 初會八十億那由他菩薩聞佛演說法
 皆得不退轉第二會說法七十三由他
 第三會聞法七十億由他佛壽無量劫
 光六十由旬僧九十九億無生心自在
 時有轉輪王号名曰慧起王領閻浮提
 七十千由旬并王四天下姝女六十億
 其王有千子所住名樂光百千城莊嚴
 園觀悉具足皆豐樂熾盛猶如切利天
 其王夢聞音月驥佛興世百六十億眾
 俱行詣佛前時王聞此經甚深法身定
 即捨國奉佛惟願隨所用諸城起精舍
 皆以妙栴檀兼施眾僕使金布經行地
 時王供養佛具滿八万歲專精不睡卧
 無厭無恡惜一日所設供其數無有量
 諸供養施佛為求此三昧閑居修靜念
 三昧甚深妙不以有相獲亦非巧便得
 即捨國出家被以舍那服繫念三千歲

如來智印經 第十三張 五字

思定不倚卧佛於是中間說法令開解
 滅度後起塔六万四千億各施五百蓋
 七寶而莊嚴一百妓樂照以八千燈
 被服氈垢衣七万三千歲常說此三昧
 其心無所欲稱歎不著名不求世勝智
 乞由不受請護法依止住八万億那由
 佛所持淨戒悉如上供養具足此三昧
 若欲得菩提應當如佛學勿信非道論
 敬修此經者後世說行道而返毀禁戒
 為利不為法雖讀不解空說空不解達
 邪命不清淨論空而取空自言不疑道
 余時慧起王阿弥陀佛是時王千子者
 則賢劫千佛時同王出家眷屬弟子等
 於今在我前此會四眾是念億那由他
 出家聞正法聞即能受持得空無所倚
 起無量方便供養諸如來不得菩提相
 皆由行真實得見然燈佛斷求獲平等
 余時即授記未來當成佛
 時有女人名曰賢首頻婆羅王大夫
 人也又彼夫人名曰金光拘達女也
 從座而起往詣佛所皆以衣械盛七
 寶華各五百裹以散佛上并以劫貝
 育衣價直百千奉上如來而白佛言

如來智印經 第十四張 五字

世尊我於此定信解受持有讀誦者
 我當擁護隨其求欲供養所須我當
 以摩訶行法教化眾生不言是空是
 不空不但言說決定受持必如說行
 不惜身命何況財寶亦當如說展轉
 相教余時頻婆羅王後宮八千女人
 摩伽陀國六万優婆夷悉發無上菩
 提之心於此三昧皆生隨喜而發誓
 言於後末世當護正法余時世尊知
 其心念即便微笑眾妙色光從口而
 出普照十方還從頂入余時賢首金
 光生信敬心即共同聲以偈頌曰
 勝人德聚無如佛 功德華樹星中王
 言軟怡悅次第味 十力世尊笑何緣
 面圓如月開世眼 梵音清淨普樂聞
 調柔剛強悅身心 人雄師子笑何因
 和忍無濁言真正 應聲圓滿眾味具
 明了諸行無量義 願功德聚演笑意
 八種妙音悉具足 六十莊嚴和雅聲
 解眾言音七百種 通達義味六十億
 八十億數相應音 十那由他聲亦然
 不可限量無極尊 惟願演說笑因緣
 眾山中寂無能動 解相應義滅眾疑

能斷眾苦得安樂 寶聚如實說笑緣
 金山解說七寶乘 猶如華月眾所樂
 獨步音聲如師子 願說放光微笑緣
 三界特尊淨三垢 於無量劫善寂行
 笑光充滿十方界 善利放演世露明
 琴瑟銅鈸簫笛聲 擊鼓鳴貝眾妙音
 緊陀羅聲迦陵伽 哀鸞鴻鵠拘翅羅
 斬節篋篋俱暢發 不及如來一妙音
 如此十方來會眾 種種意見各不同
 願如實說滅見愛 還彼國已滿眾願
 十方各遣一億眾 皆為正法來會此
 笑因必為雨法雨 演說何法令歡喜
 賢首金光說此頌 已今時世尊以偈
 答曰
 我念過去恒沙劫 佛号福光世間解
 其壽七十六萬億 聲聞眾數無限量
 有轉輪王名慧御 夫人月觀次名炎
 捨離家愛求正法 於一億歲常護持
 六十万億三十万 於此諸佛護正法
 三十恒沙未來佛 護持正法不斷絕
 時慧御王阿閼佛 汝等於彼常俱生
 以護法緣捨女身 當生無量極樂國
 此眾護法亦當生 法將欲滅為已住

必生極樂千業華 相好莊嚴為佛子
 既得生彼供正覺 莊嚴王劫無荆棘
 於彼得成無上道 執持正法及天人
 彼佛國土無魔事 無惡業報無胎生
 日有無量菩薩集 又無聲聞緣覺名
 不惜身命護佛道 不為名譽而退轉
 為無上道速成就 又欲疾成一切國
 汝等和合信敬佛 恭敬無依護菩提
 大法將壞世末時 不應從彼貪利養
 我於億劫妻子施 捨頭目髓求佛道
 非法為利說法過 愜惜施主生瞋嫉
 八万億人起悲涕 當護滅法依菩提
 三千界動天雨華 愛敬此經壽命寂
 如此佛土恒沙等 滿中金施無量劫
 若能信此智印經 恒沙寶施無與比
 勿妄授與不樂道 聞佛希有生道心
 應次第學此經典 如說而行成菩提
 曠野持戒修恭敬 三業於眾如親想
 修六和敬生佛想 欲求妙法學此經
 若有書寫此法印 讀誦宣示為人說
 此功德身不可議 佛子當生極樂國
 尔時弥勒菩薩白佛言世尊未來當
 有幾數菩薩受持此三昧佛告弥勒

未來世中少有信樂多壞善根斷滅
 正法行此法者甚難甚難佛告弥勒
 我若盡說未來菩薩不相應行不可
 窮盡弥勒白佛惟願說之惟願說之
 愍我等故未來世中或有修習真實
 行者得聞此經如說修行應無上道
 佛告弥勒如汝所說若有菩薩已於
 百佛發菩提心殖諸善根於未來世
 忘失道心弥勒復有菩薩於千佛所
 發無上心殖諸善根於未來世生菩
 提心不信大乘輕持摩訶衍弥勒復
 有菩薩於万佛所發菩提心殖諸善
 根於未來世生菩提心信重大乘而
 不受持亦不讀誦弥勒復有菩薩於
 億佛所發菩提心殖諸善根於未來
 世生菩提心能聽能書不解深義不
 能決定弥勒復有菩薩於十億佛所
 發菩提心殖諸善根於未來世生菩
 提心聽受大乘書寫讀誦而於菩提
 忍不成就弥勒復有菩薩三十億佛
 所發菩提心殖諸善根於未來世生
 菩提心聞摩訶衍能聽能受書寫讀
 誦大忍成就於此三昧猶未相應不

如來智印經 第十八張 五字

得應辯彌勒復有菩薩八十億佛所
 發菩提心殖諸善根於未來世生苦
 提心聞摩訶行能受能持書寫讀誦
 得此三昧忍力滿足解一切法廣說
 菩提魔不能壞無諸業障阿僧祇劫
 所作惡行頭熱心惱為人誹謗輕持
 並笑現世即除當於無量無數佛所
 恭敬供養終不退轉菩提之心得堅
 固志繫念不散如是菩薩先世惡業
 於未來世受惡色身衆罪即滅或多
 病苦為人所憎生下賤家或生貧家
 或生邊地及邪見家惡友相得得不
 同志人不恭敬多諸憂惱為王所忿
 值國荒壞聚落分散親族乖離知識
 殊越不遇法會諸所須欲人不惠施
 設有所得衆不會樂或得少施貴者
 所弃貧者親敬欲修善業多諸乖閤
 頑闇散亂不達法次無諸僕使卧輒
 惡夢或復餘夢罪業即除往業所拘
 魔所障蔽虛妄取相為魔得便不解
 諸法有利養處自生下心端正人衆
 形我醜陋人不愛念見他得利心生
 憎嫉更相輕毀如是略說彌勒若有

如來智印經 第十九張 五字

菩薩於百佛所共作功德不欲虧失
 以是因緣于相毀壞况不作者如是
 彌勒應堅精進以正憶念起大忍力
 成就深法妙智方便於未來世欲持
 此法當起精進今時彌勒菩薩支殊
 師利菩薩喜王菩薩如是等六十菩
 薩為上首白佛言世尊我今聞此護
 法功德於未來世護持此經今時世
 尊而說偈言

少欲無垢無邪諂 常正憶念遠離行
 深忍堅固無動搖 為護十方珍寶聚
 威儀靜默無染著 無求無欲離諍訟
 心等如空無轍跡 行應真如體三昧
 堅固菩提常現前 解了甚深名正覺
 不觀憎愛無所著 乃能獲得此三昧
 於慈親中心平等 於佛善友無異想
 修六和敬戒清淨 是能速解此三昧
 明了世間取殊勝 應辯印法百億相
 智慧照明喻日光 於此中說入智門
 日月晝夜處虛空 又如雪山常處地
 帝釋梵王轉輪王 如醫善治此亦然
 此經淨心滅業報 此經降魔名甘露
 此神足眼知他心 一切異類若干應

如來智印經 第二十張 五字

此能憶知由他 此能滅除一切愛
 此佛所讚如來印 此道相應如觀掌
 此經撰擇諸空義 此是空寂真實住
 有無二邊名戲論 永捨無著持正法
 佛涅槃後有說言 我見諸法空如夢
 諸法不起無作者 於中施設作想住
 法空無生無作者 無見無來亦無動
 凡所著法名法賊 而自說言我學空
 若從彼聞名聞法 悲涕流淚衣毛豎
 又自稱讚不退轉 後復說彼衆惡相
 貴賤貧富失財寶 我若得法獲衆利
 我若出家榮親族 而於佛子生嫉恚
 為無上道故出家 欲行菩提而不住
 如渡大海彼岸遠 是於菩提無正信
 靜住山澤威儀具 師友清淨眷屬善
 為利養故求親友 而自稱說真出家
 出家能應此正法 猶如蓮華無染著
 此經相應次第行 是真菩提常守護
 喜王我今教誡汝 慎莫隨彼不善學
 如法修行具佛德 汝等應當如我學
 假使田如卮由界 恒沙數種殖其中
 一種生於恒沙實 一切種生亦如是
 如是展轉千萬種 彌輪繁茂滋別生

如其所種不可數 一切猶尚無計量
以是巧便盡東方 如是所種無有餘
一切諸方亦如是 是諸子數佛充滿
一一諸佛有百頭 一一佛頭有百舌
如是經歷無量劫 悉共讚歎應此經
書寫受持及讀誦 演說功德不可盡
如須彌山芥子分 滿虛空草一葉分
如大海水一滂分 當應此經離有行
為聞受持書讀誦 是故我說如是偈
尔時喜王菩薩文殊師利法王子菩
薩如是六十菩薩得無緣行而白佛
言世尊所言法云何為法佛告喜王
所言法者無作無施設而有言說唯
然世尊若法無作無施設何故而有
言說佛言若法無作無施設無可得
如是言說遍觀諸法不得不盡不越
不減不滅不貪無主無處無處所無
彼無此非有為非無為假名非假名
非心非非心非對非非對非相應非
不相應等非等境界非境界分非分
近非近非遠非遠唯然世尊云何
非染非言說佛言善男子非染非言
說名涅槃尔時文殊師利法王子白

佛言世尊若法如是相何等法滅何
法可護佛告文殊師利起法相者戲
拈諸法戲拈諸法起有無二邊起二
邊者此則滅法第一義中無法無法
滅亦無有諍尔時世尊而說偈言
或有說實而不異 或復有異說無常
若有得法計二邊 是名戲論不相應
法無有作亦無壞 本不見自不見他
亦無相應施設念 若自說言我忍空
繫念於空不相應 是法不生妄思量
諸所施作皆魔網 心無所緣名法印
若有思計名凡夫 諸法本無而妄取
籌量諸法計言聲 愚人妄取有無二
智求於智不得智 智慧終不生於智
演說有為虛假相 亦非有智非無智
若法少分是實有 壞敗則成斷滅法
若使有法實住者 一切諸法則常住
愚人放捨復還得 是則壞陰乖法相
計著於我得我實 智人知法非有無
明與無明法無二 若聞演說則驚疑
此則繫念邊見相 有為壞敗說涅槃
心不能知心實相 實相亦復不知心
一切諸法皆如夢 或說真實者我見

法從緣起非真諦 若法滅盡亦非諦
以是方便得真實 起法若實佛應起
如來智慧不可得 雖說諸法無顯示
雖治眾病無解脫 如是名為善寂解
若使涅槃有分者 諸佛聲聞應往彼
牆壁諸法無涅槃 智者不應生戲論
莫能見實眾生者 亦無可亦言說有
眾生自起可見相 此是涅槃無所著
或有說陰是真諦 或說滅愛名為道
惟一真諦不生滅 或復演說四真諦
推求不得一法本 况坐道樹見四諦
眾雜穢心共出家 轉壞我法妄起作
為沙門果及名譽 勿近惡友親善友
如犀獨處在曠野 與此三昧義相應
八十億佛二足尊 護念書持此經者
見諦諸天亦護念 晝夜防護不捨離
無量光照無窮盡 慧明導示百法門
於夢開悟令成就 持此三昧其希有
尔時佛告文殊師利若欲成就佛苦
提者於此三昧應專心學成就三十
二相八十種好十力四無所畏大慈
大悲成就佛眼自成菩提成聲聞眾
成菩薩眾成佛國土成大智陀羅尼

如來智印經 第二十四張 五字

欲解一切衆生語言欲得應辯欲得決定辯欲得神足欲說不退法欲解一切相應法欲明解諸法應當修習如是三昧何以故菩薩與此三昧相應則得如上功德名為佛名為遍學名洲名救名為應供名一切智名為調伏名世間解名無上士名為如來如說而行無等無等等名第一論實論為寔勝何以故文殊師利我住此三昧見然燈佛即得菩提文殊師利白佛言唯然世尊若世尊見然燈佛即得菩提何故阿僧祇劫在生死中修難行苦行佛告文殊師利我為衆生作佛事化衆生令住三乘為說本願文殊師利我於今時亦得菩提亦入涅槃今時世尊而說偈言

能與此相應自覺福無量十方百億佛皆護念此人不退轉甘露不思顯百相修習必獲得無盡持王此智三昧定解一切言音能壞諸法相解脫滅衆結善寂不起滅不著除衆疑成十力相好一切佛功德善靜解衆音種種異類聲次第解令喜淨有無二邊決定智取勝

如來智印經 第二十五張 五字

滅除一切結若能學此經決了道無疑若於三七日專心學此經不懈不睡卧不隨親愛樂柔軟和悅言慈悲不嫉妬修習六和敬持戒得三昧等心具威儀直心樂解脫不造作緣起知足垢不著堅固不輕躁不現邪偽相如禽無繫者必獲持王三千界震動天奏衆樂音雨散妙香花并幢蓋百千又雨妙天冠車渠寶瓔珞摩尼及真珠圓寶光旒衣於上無量天諸龍金翅鳥龍阿修羅王比丘清信士尼及清信女各脫身上衣圓寶以散佛願求無上道我說無限量亦不可顯亦若發菩提心即得不退轉調伏得羅漢其數如恒沙百世界衆生聞法速歡喜

今時世尊說是法時阿僧祇衆生皆發無上菩提之心八十那由他天及人皆得不退轉於無上道六万三十億天人得無生法忍無數衆生得阿羅漢如是十方來會菩薩摩訶薩皆得此三昧佛說經已喜王菩薩文殊師利為上首如是六十不可思議菩薩賢劫一切菩薩弥勒為上首賢首

如來智印經 第二十六張 五字

金光如是十方來會菩薩諸大聲聞及四部衆天人乾闥婆阿修羅一切世間聞佛所說皆大歡喜

佛說如來智印經

佛說如來智印經

校勘記

- 一 底本，金藏廣勝寺本。
- 一 二〇四頁中一行末字「經」，**資**、**磧**、**普**、**南**作「經」一名諸佛法身」；**徑**、**清**作「經」一名諸佛法身經」；**麗**作「經」一卷。
- 一 二〇四頁中二行譯者，**石**作「宋錄失譯」；**資**作「僧祐錄失譯」；**磧**、**普**作「僧祐錄失譯人（「人」，**南**、**徑**、**清**作「人名」）開元附劉宋錄」；**麗**作「經」一卷。
- 一 二〇四頁中七行第六字「根」，**資**、**磧**、**普**、**南**、**徑**、**清**作「相」。
- 一 二〇四頁中一行第六字「無」，**資**、**磧**、**普**、**南**、**徑**、**清**無。
- 一 二〇四頁中一三行末字「在」，**資**、**磧**、**普**、**南**、**徑**、**清**作「自在」。
- 一 二〇四頁中一四行第四字「離」，**資**、**磧**、**普**、**南**、**徑**、**清**作「雜」。
- 一 二〇四頁中末行第二字「先」，**資**、

- 磧**、**普**、**南**、**徑**、**清**、**麗**作「光」。
- 一 二〇四頁下五行第九字「竹」，諸本作「陀竹」。
- 一 二〇四頁下六行第一三字「華」，**資**、**磧**、**普**、**南**、**徑**、**清**作「蓮華」。
- 一 二〇四頁下八行第一一字「悉」，**資**、**磧**、**普**、**南**、**徑**、**清**無。
- 一 二〇五頁上四行「修和」，**徑**作「和修」。
- 一 二〇五頁中末行第七字「為」，**清**作「法」。
- 一 二〇五頁下三行第六字「與」，**資**、**磧**、**普**、**南**、**徑**、**清**作「非」。
- 一 二〇六頁上五行第二字「固」，**磧**、**普**作「因」。
- 一 二〇六頁上五行第八字「欲」，**磧**、**普**、**南**、**徑**、**清**作「次」。
- 一 二〇六頁上一二行末字「間」，**資**、**磧**、**普**、**南**、**徑**、**清**作「界」。
- 一 二〇六頁下一〇行第六字「憶」，**磧**、**普**、**南**、**徑**、**清**作「意」。
- 一 二〇六頁下一二行第五字「諸」，

- 資**、**磧**、**普**、**南**、**徑**、**清**作「說」。
- 一 二〇六頁下一四行第六字「相」，**資**、**磧**、**普**、**南**、**徑**、**清**、**麗**作「想」。
- 一 二〇六頁下一八行末字「尼」，**資**、**磧**、**普**、**南**、**徑**、**清**作「尼能入真諦及十力是陀羅尼如大海」。
- 一 二〇六頁下二〇行第一三字「諸」，**麗**作「就」。
- 一 二〇六頁下二二行第二字「集」，**資**、**磧**、**普**、**南**、**徑**、**清**作「習」。
- 一 二〇七頁下五行第九字「知」，**麗**作「如」。
- 一 二〇七頁下二一行末字「曰」，**資**、**磧**、**普**、**南**、**徑**、**清**作「言」。
- 一 二〇八頁上一六行第五字「前」，**資**、**磧**、**普**、**南**、**徑**、**清**作「所」。
- 一 二〇八頁上一二一行第三字「養」，**資**、**磧**、**普**、**南**、**徑**、**清**作「奉」。
- 一 二〇八頁中一四行末字「他」，**磧**、**普**、**南**、**徑**、**清**、**麗**作「佛」。
- 一 二〇八頁中一八行首字「尔」，**徑**、**清**作「是」。

- 一 二〇八頁中一八行第四字「授」，
資、磧、普、南、徑、清作「受」。
- 一 二〇八頁下三行第一一字「言」，
資、磧、普、南、徑、清作「信」。
- 一 二〇九頁上一行末字「緣」，資、
磧、普、南、徑、清作「因」。
- 一 二〇九頁上五行第一二字「世」，
資、磧、普、南、徑、清、麗作「甘」。
- 一 二〇九頁上五行末字「明」，麗作
「門」。
- 一 二〇九頁上七行第一一字「鵠」，
資、磧、普、南、徑、清作「鶴」。
- 一 二〇九頁中一〇行第一一字「髓」，
麗作「體」。
- 一 二一〇頁上一六行第七字「會」，
資、磧、普、南、徑、清作「貪」。
- 一 二一〇頁上二二行第二字「我」，
南、徑、清作「儀」。
- 一 二一〇頁中一行第一三字「虧」，
資、磧、普、南、徑、清作「虧」。
- 一 二一〇頁中一行第一一字「方」，
資、磧、普、南、徑、清作「力」。

- 一 二一〇頁中一八行首字「明」，資、
磧、普、南、徑、清作「曉」。
- 一 二一〇頁中末行第四字「眼」，磧、
普、南、徑、清作「明」。
- 一 二一〇頁下一行第七字「他」，資、
磧、普、南、徑、清、麗作「劫」。
- 一 二一〇頁下一四行末字「信」，石、
資、磧、普、南、徑、清、作「念」。
- 一 二一〇頁下末行第六字「万」，石
作「返」。
- 一 二一一頁上一六行末字「越」，資、
磧、普、南、徑、清作「起」。
- 一 二一一頁上一七行第八字「主」，
麗作「生」。
- 一 二一一頁中二行「相者」，資、磧、
普、南、徑、清作「者著」。
- 一 二一一頁中一行第四字「作」，
石作「者」。
- 一 二一一頁中二〇行末字「疑」，資、
磧、普、南、徑、清作「怖」。
- 一 二一一頁下七行首字「莫」，資、普
作「菓」；南、徑、清作「若」。

- 一 二一一頁下一六行第一一字「護」，
石、資、磧、普、南、徑、清作「衛」。
- 一 二一二頁上一五行第一一字「得」，
資、磧、普、南、徑、清作「持」。
- 一 二一二頁上末行第五字「喜」，石
作「善」。
- 一 二一二頁中一行第九字「信」，
徑作「淨」。
- 一 二一二頁中一四行首字「調」，資
作「謂」。
- 一 二一二頁中一五行第三字「逮」，
徑、清作「大」。
- 一 二一二頁下四行第七字「經」，石
作「經一卷」。